



MEMORIA XUSTIFICATIVA DO CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E AS AGRUPACIÓNS DE VOLUNTARIOS DE PROTECCIÓN CIVIL DO CAMIÑO FRANCÉS EN MATERIA DE PREVENCIÓN DE RISCOS E AXUDA AOS/ÁS PEREGRINOS/AS

A Vicepresidencia e Consellería de Presidencia, Administracións Públicas e Xustiza, a través da Dirección Xeral de Emerxencias e Interior, é o órgano encargado de xestionar as competencias que, en materia de protección civil, ten atribuídas a Comunidade Autónoma de Galicia segundo o Decreto 177/2016, do 15 de decembro e o Decreto 72/2013, do 25 de abril.

O artigo 24 do Decreto 56/2000, do 3 de marzo, modificado polo Decreto 109/2004, do 27 de maio, polo que se aproban as medidas de coordinación da protección civil no ámbito da Comunidade Autónoma de Galicia, establece que a Xunta de Galicia poderá asinar convenios de colaboración con entidades públicas e privadas.

Os artigos 5.3 e 47.2 da Lei 5/2007 de emerxencias de Galicia, regulan que a Xunta de Galicia poderá subscribir convenios de colaboración con entidades públicas ou privadas co fin de facilitar a colaboración das mesmas na xestión de riscos e de emerxencias.

Antecedentes:

Entre os medios e recursos mobilizables pola Vicepresidencia e Consellería de Presidencia, Administracións Públicas e Xustiza é conveniente contar en determinados momentos con medios alleos, ademais dos propios, co fin de optimizar recursos e orzamentos, mellorando a planificación e intervención nas emerxencias ordinarias e extraordinarias que poidan darse na nosa comunidade.

Que as AVPC coas que se pretenden asinar os convenios de colaboración, contan con medios humanos e materiais coa experiencia necesaria na prevención de emerxencias, adquirida ó longo destes anos de colaboración coas autoridades de protección civil da Administración Autonómica de Galicia, sendo entidades necesarias e imprescindible na xestión da prevención, promoción, divulgación, información e socorro no ámbito do Camiño Francés dentro dos seus termos municipais.

Para os efectos sinalados, tense previsto formalizar coas AVPC do Camiño Francés o convenio arriba referido por un período de vixencia que abrangue dende o momento da súa sinatura ata o 31 de decembro de 2017.

Finalidade:

O obxecto do presente convenio é establecer as bases para a colaboración, dentro do Sistema de Protección Civil de Galicia, entre a Vicepresidencia e Consellería de Presidencia, Administracións Públicas e Xustiza, a través da Dirección Xeral de Emerxencias e Interior, e as Agrupacións de Voluntarios de Protección Civil asinantes, para que estas interveñan, dentro dos seus termos municipais ou de municipios limítrofes que carezan de AVPC, na prevención, promoción, divulgación, información no ámbito do Camiño Francés, contribuíndo deste xeito á concienciación, información e seguridade dos/as peregrinos/as na súa andaina a Santiago de Compostela

As AVPC coas que se pretende asinar dito convenio tipo son as seguintes: AVPC do Concello de Sarria, AVPC do Concello de Portomarín, AVPC do Concello de Monterroso, AVPC do Concello de Palas de Rei, AVPC do Concello de Melide, a AVPC do Concello de Arzúa e no caso de Santiago de Compostela asinarase co concello aínda que o cometido o realizará a AVPC.

O instrumento convencional que se pretende asinar fundaméntase na necesidade de colaborar con estas agrupacións nas seguintes funcións:

- Patrullar polo camiño do seu termo municipal ou o dos concellos limítrofes
- Atender aos/ás peregrinos/as dos distintos camiños xacobeos





- Informar diariamente ao CAE 112 do inicio e peche da actividade na atención dos camiños dando resposta, onde se requira a súa intervención, ás situacións e incidencias ou solicitudes de axuda que demandan os/as camiñantes.
- Colaborar na prevención, apoio e cobertura en grandes eventos e concentracións humanas derivadas de actos que teñan que ver coas peregrinacións.
- Participar, xunto coa administración autonómica, na organización e realización de operativos, exercicios e simulacros, no desenvolvemento dos plans territoriais e especiais de protección civil, colaborando activamente nas campañas planificadas pola Dirección Xeral de Emerxencias e Interior.

Dado que estas funcións son exercidas de forma exclusiva nos seus termos municipais por estas AVPC, non é posible a aplicación dos principios de publicidade e concorrência pública, de acordo co establecido na Lei 1/2016 do 18 de xaneiro de transparencia e boas prácticas na Administración Pública Galega.

A Vicepresidencia e Consellería de Presidencia, Administracións Públicas e Xustiza colaborará nos custos que xeran as actividades obxecto dos respectivos convenios, con cargo á aplicación orzamentaria 05.25.212A.481.0 e código de proxecto 2015 00106 dos orzamentos do ano 2017, por un importe total de cincuenta mil euros (50.000,00 €), distribuídos do seguinte xeito:

AVPC	Camiño Francés a percorrer	Sinatura	Km.Camiño	Total custe/ km.	Custo Total
Sarria	O Cebreiro – Morgade (Sarria)	2000,00	69	14.317	16.317,00
Portomarín	Ferreiros (Paradela – Ventas de Narón (Portomarín)	2000,00	23	4.772,33	6.772,33
Monterroso	A Previsa – Aireche (Monterroso)	2000,00	10,5	2.178,67	4.178,67
Palas de Rei	Portos – A Campanilla (Palas de Rei)	2000,00	14	2.904,90	4.904,90
Melide	O Coto – Parabispo (Melide)	2000,00	11	2.282,42	4.282,42
Arzúa	Boente (Arzúa) – Pedrouzo (O Pino)	2000,00	27	5.602,31	7.602,31
Santiago de Compostela	Pedrouzo (Arzúa) – Santiago de Compostela	2000,00	19	3.942,36	5.942,36

Polo exposto, considérase xustificada a utilización do instrumento do convenio para articular as actuacións de referencia, quedando o citado instrumento convencional fóra do ámbito de aplicación do texto refundido la Lei de contratos do sector público, aprobado polo Real decreto legislativo 3/2011, do 14 de novembro, con independencia de que, ao abeiro do previsto no artigo 4.2 da citada norma, lle sexan de aplicación os principios desta lei para resolver dúbidas e lagoas que se poidan presentar.

Santiago de Compostela, 9 de maio de 2017

O director xeral de Emerxencias e Interior

Luís Menor Pérez

